

Akugu 'Ba YUDA

^I Ma Yuda bo laja 'ba Yësu Kurisitö ame bo löndö ma na ro Yakoba ne. Mëdi mugu waraga nime ziye kpe ame ga kidëki ye, Boko'ba 'bu ko'ö ye 'deni, Yësu Kurisitö këdi kitata ye ne.

^{II} Mi këyi ti lende liya ti ako'ö mo koloma tiye ro do kiteli.

Bo Kumë Lende Do Kindëndë

^{III} Kpe ame ga mo'ö ye 'deni kulöwö ne, ma ngi ti doki'di kombi 'do tugu lende 'ba tomo ze ma ze tiye di mi töle nime ziye. Tine momeri ma kulöwö ro do kiteli mo go tugu mo ziye toco ye kinza kolake go lende 'ba Boko'ba nime bo ki'di 'deni nge mi koto nburu zi bilaka abo ga ne, ^{IV} römöyi ya ma kinza kere Boko'ba de moto ga iyaga 'deni liwo kodo kako mi löngö ye. Lije na ro ma këdi kuyi mi lende këyi 'ba Boko'ba za yaga zinni ro a 'ba to'do lende kënyë timo lije kilagi di ro Yësu Kurisitö mo ma nge koto kpöki ro nere bo doze mo ne. Ugu 'deni molo tonë kiya te 'do Boko'ba kodo karama dönni.

^V Kina kozo ame kikalike 'deni pele pili molo ne, mo'doko tiyëti gomo gbi laka ziye ma tonë bo Boko'ba komo Yisarele di mi doyayi 'ba Ezipeto, tine di potö mo 'bowu yayi bo kileki kote do ma kinza ki'di dönni de go lende abo mo ga ngi yaga.

^{VI} Omerike gbi malayika ma tonë ga koro de go maga 'ba kosi kakpa ma ki'di zinni ne ame lije kebe kilagi go bi ma ki'di zinni mo ne. Boko'ba

udödu lijë ngi ti nyori ma nburunburu mi bi kolu tonë beri koda do kada löbu nime kedä kako ne 'do bo kodo karama dönni. ^{VII} Omerike gbi Sodomoni ti Gomora ti mi tiri ma ngila mo ga. Bilaka mo ga o'do lende gbi kozo 'ba malayika naga nime. Kina lijë kombi gomö mo 'deni ro pa'do ma nburunburu ro akileme zi botö pili go ndörö ko'do 'benni ma go yeri ti lende kirasi motö ga.

^{VIII} Kina gbi tara lijë ya naga nime nyi i'di lijë 'deni kirasi yida rönni lijë kilagi közi kakpa 'ba Boko'ba lijë kiti'ja malayika ame ga ro löbu do kiteli ne. ^{IX} Tine Mayikolo ame pele ro bo do malayika ni ne o'do de tara mi kada ma lijë kedä kamo ti Satani mi tilaka rönni go töku Musa. Bo ilana ro bo de kogboki Satani ti ti'ja. Tine bo iya abo nge te, "Ni, Boko'ba kamo döyi." ^X Tine ma 'benni lijë ya naga nime wa ma kinza lijë kikali de pele naga, lijë iti'ja aa ngi. Tine ma lijë kikali mo naga nima akikali mo kapi ngi go dönni zinni kozo 'ba yeri 'ba yi mökö naga tara ne na ma 'deni kedä kote dönni.

^{XI} Bu'bu zinni, lijë inda'ba kori bi ndi Kayina 'deni. Go lende 'ba girisi na lijë kusu kpenni 'deni ngi mi lende kenyë ko'do 'ba Balama tonë. Lijë aya 'deni ngi kozo 'ba bo tonë ro Kora ne. Kina kozo ma tonë kupö bo ne, na kupö lijë 'deni gbi tara.

^{XII} Lijë ngi kozo akididi ziye mi akonyo 'ba karama 'be ga, rönni kaya de yo. Lende 'ba gbagba nni ga na nge lijë komeri. Lijë ngi kozo poli ame lili kombi kari timo toro mo ka'di de yo ne. Lijë ngi kozo ngeri ma kinza kana de naga,

pele mi kpa dolili. Lijë ngi kozo ngëri ame koto 'deni bëri ti ngira'da mo kututu ë'bënni 'deni ne. ^{XIII} Lijë ngi kozo mini ma kikagba ti surupu 'ba domo mi lende ko'do kinza ro kaya 'bënni nima. Lijë ngi kozo këlu ma kulë 'ba mitoro ame Boko'ba kileño go bi mo 'deni mi bi kölu 'ba Gehena ne.

^{XIV} Enoka kupö ma ro mi modokoto ma kodo kako di zi Adama na kumë lende nime 'deni go kö'du 'bënni. Ame kiya te, "Ongo te, nere Boko'ba ti kako ti tindi 'ba malayika koto laka abo ga ^{XV} to'do burë 'ba boto pili, todo karama do bo kilagi Boko'ba naga nima go lende kirasi 'bënni ame ga pili lijë ko'do ne gbi ti ma donde'de lijë koja ro Boko'ba." ^{XVI} Ya naga nime lende 'bënni nburu ro tonboro rönni toto kënyë kpa lepï nni ga. Ako'doko 'ba lende kënyë 'bënni ga na lijë kinda'ba kori mo. Lijë ëbi rönni nime te lijë ko'do kpa konmi zi lepï nni ga to'ja kori timo zinni.

Ndose

^{XVII} Tine kpe lepï ma ga ame mo'ö ye kulöwö ne, omerike a tonë ga bo laja 'ba Yësu Kurisito nere ze kiya molo ziye bine ne te. ^{XVIII} Lijë iya 'deni ziye te, "Odo kada ma nburunburu komö 'deni, bilaka moto ga ti kodo topoto ye. Lijë na ro ma kosö go ako'doko 'bënni 'ba tilagi Boko'ba naga." ^{XIX} Lijë na ro bo këdi ko'de ro koza mo tonë ga. Ako'doko 'ba yida rönni ga na mbiri dönni, a moto ro Nyi Koto Laka inza minni.

^{XX} Ne kpe 'beye lepï ma ga, uluke roye nduwë kiyöbuke mi lende laka nime kinda'bake 'deni ne. Umötuke ti tigo 'ba Nyi Koto Laka. ^{XXI} Kina

ogboke roye ti mi ako'ɔ 'ba Boko'ba kɔɔ ame kɛddi kodake Yɛsu Kurisitɔ ɲere ze 'deni 'dɔ ki'di didi ma ɲburunburu ziye ti mi keyi abo ne.

XXII Ilemeke mi keyi zi ma domo kiliko 'deni naga. XXIII Omoke moto mo ga tolo mo yaga di mi pa'do. Ilemeke mi keyi gbi zi ya moto ga, tine bongo 'ba ronni mo naga nima keri kulowo di zi ndoro 'ba go lende kenyë ne na 'dɔ ko'jike kinza kiyolu roye.

Mötu
XXIV-XXV Ro löbu ti tigo dɔ kiteli ti közi kakpa ti tigo ma tönë mo molo gba kinza ɔto kisasi roni de kö'bö nduwë ko'ja kabate 'deni ro ɲburunburu ne kedï zi Boko'ba bo togbo ye di mi la'ba ko'de ye kinza a ma kenyë moto zi bo ti tiliya, ame bo Boko'ba na ɲge koto ro bo tomo ze ti Yɛsu Kurisitɔ ne. Amini.

**Ndose Kɔɔ Laka, Buku 'ba Tisaki ni Tɔɔ
to Lömu La'ja 'Ba Yësu Kurisitö Nere Ze
Jur Modo: Ndose Kɔɔ Laka, Buku 'ba Tisaki ni Tɔɔ
to Lömu La'ja 'Ba Yësu Kurisitö Nere Ze New
Testament+**

copyright © 1998 Wycliffe Bible Translators, Inc.

Language: (Jur Modo)

Contributor: Wycliffe Bible Translators, Inc.

All rights reserved.

2020-11-18

PDF generated using Haiola and XeLaTeX on 21 Feb 2024 from source
files dated 29 Jan 2022

4cdbc69b-5207-55d8-8df2-e743cba8dc07